

池州府志卷第八

中憲大夫知江南池州府事加六級襄平馬世永編纂

山川志三 貴池

小丘山舊名羅漢山在府城內小廟巷有宋太平羅漢寺即唐林泉廢寺故址也明嘉靖中移寺於府治北景德寺旁其山爲邑人李呈祥講學地更曰小丘構亭曰神交增城湛尚書若水記山下金碧洞今湮吳非記

唐杜牧廢林泉寺

廢寺碧溪上頽垣倚亂峯看棲歸樹鳥猶想過山鍾石路尋僧去此生應不逢

遊池州林泉寺金碧洞

袖拂霜林下碧稜潺湲聲斷滿溪冰攜茶臘月遊金碧合有文章病茂陵

明湛若水神交亭記

池陽有高士古源李子者謝太學隱居小丘山十餘年不出志聖賢之道聞甘泉子而慕焉然而未嘗識面甘泉亦未嘗識其面而知之賢而敬之曰神交矣或曰面不相識何謂神交甘泉子曰夫人皆識面淺者也而謂上下萬年識堯舜禹湯文武周孔是何面目而若相知之深焉神交也故孔子夢周公高宗夢

傳說舜夢拜乎丞黃帝夢遊華胥及見堯羹牆皆心也神也神也者心之所爲也故心之神也交通也通天而天通地而地通萬物而萬物通堯舜禹湯文武周孔而堯舜禹湯文武周孔感而通之一氣也氣也者通宇宙而一者也是故一體也一體故氤氳相通痛癢相關不交而交矣嘉靖丙申八月甘泉子過池陽登九華之山古源子出迓焉或曰子十年不爲彼鄉士夫出矣不爲郡大夫出矣而爲甘泉子出何邪曰吾爲道出也若甘泉子者吾所謂曠世而遇者也吾爲道出也非爲甘泉子出也相見而歡若平生交

馬若魚水不足也執弟子禮而學焉心以相孚神以相授不待口之相語也深矣何則神交至焉傾蓋次焉故知神之所爲者可以盡心矣知心之所爲者可以知性矣知心神之所爲者可以語道矣盡心知性而存養之可與語學矣盡之矣古源子退而作神交亭甘泉子爲次第其語作亭記甘泉子喟然歎曰於乎時龍子而知神交之道則斯亭斯記可兩忘矣

吳非唐金碧舊洞記

名勝志曰金碧洞在城中廢林泉寺然城中山皆無石不得有洞惟羅漢山有石中空余意欲求唐之金碧洞于城中其是矣乎縣舊志注在城東二十五里郡志不載兩失之矣杜牧之守池州嘗攜茶遊此時屬歲暮其詩以司馬相如消渴託之比興而洞之有樹成林有谿合冰皆於詩可見則洞中之石刻亦所宜有苟伐山而剔滓當得之也

柯山在貴池縣治後

玉臺山在府城西北隅

陶家山在府城郭西街之南

明吳應箕陶家山眺城外山水

高眺俯城平千峯晚遠清不知春已去欣見水方生

煙樹初無定，睥睨若有情人家。能幾點，歷歷遠光縈。
仙臺山在府城北隅，其南麓有唐寺。宋景德二年，賜額
景德明隆慶間，移毓秀門以其地建府儒學。宋用必大
寺訪見山堂為添差路鈴王宗所占排闥造焉見山而已其東麓有南唐天慶觀，即
紫極觀。學士徐鉉有記，今改玄妙觀。

○唐張喬登



寺閣

後人題曰景德寺閣

誰家煙迳長，莓苔金碧虛。闌竹上開流，水遠分山色。
斷清猿時帶角聲，哀六朝明月惟詩在。三楚空山有
鴈回，達理始應盡。惆悵僧間應得話，天台

宋蘇舜欽秋日登景德寺小閣

開元小閣今何處，此日登臨憶杜郎。落木高城秋浩
蕩，亂山平楚暮蒼茫。前朝事往空遺跡，倦客秋來只
望鄉。何似閒僧深閉戶，蕭蕭寒菊數叢黃。

百牙山在府城東北半里許，其麓落蓬灣。

縣志謂池盛時集賈舶于

此百牙評其值故名

明陸太守岡以郡城水口建浮圖山上

湖心三墩在城東半里許，一曰相公墩，南唐宰相湯悅
讀書處也。或曰宋黃大尉葬此，有湖心禪寺。

寺名永興有閣名天

柱一曰紫芝墩，明崇禎初邑令張燦垣創，一曰三台墩。
本朝李太守燦創以塞郡城水口，有佛閣。

○明余翹相公墩

相公墩上有精廬湯悅曾經此讀書不薦同鄉樊若
水笑君肉食計何疎

吳應箕過相公墩因觀所作新堤

不到湖墩久今來問水潄天空餘野色僧伴只疎林
不惜登臨暫因知歲月侵與君同憶昔

同劉廷鑾

鍾磬杳

然深

平湖真浩淼水落但遺墩荒寂今爲甚瀟湘意尚存
天吳誰倒使地肺可孤騫萬鍾工方具波瀾意已吞

○劉城相公墩閣上作

逃暑扁舟路轉遙偶來危閣訪僧寮當門淺岸留青

草遠寺枯楊擲白鱗送盡江風來此暮生殘海日待
明朝寧波野屋生秋色指點牆東對麗譙

南唐使相好文章曾此垂竿對夕陽筆勢際山成藁

簡簟紋接水上匡牀功名雖憾朝廷小邑里猶傳制

誥長所讀何書吾不問孫弘宏開閣幾賢良

本朝吳一鳳相公墩

渡水躡雲林雲高水復深潮來侵佛面月落印天心
衆籟喧前浦孤帆挂遠岑徘徊消俗慮蒼靄動龍吟

湖山在府城秀山門外半里許其頂平曠可眺大江其
麓有宋貢院遺址

宋朱熹九日登天湖天湖應作湖山用杜牧登高韻得歸

字

去歲瀟湘重九時滿城寒雨客思歸故山此日還佳
節黃菊清樽更晚暉短髮無多休落帽長風不斷自
吹衣相看下視人寰小祇合從今老翠微

明余翹登湖山

乘高何處得眸開載酒湖山藉草萊煙裏夕陽無限
景歸帆落馬蔽江來

吳光錫九日湖山登高

樊川仍缺事問酒失湖山九日翠微上千秋憑弔間

何如西一帶水樹盡灣環近頗遊人盛余儂實始

吳應箕湖山頂

出郭偏宜晚盤旋得幾羣雨風相澹遠天地始氤氳
積暑朝能散平湖水欲分因高間指點江影劒為紋

本朝宗觀湖山

秀山門最勝帶郭即湖山夕照濛濛亂秋空葉葉斑
鳥歸寒浦外僧出斷崖間從此驅羸馬相期數往還

桑柘門府舊志作桑柘門在府城秀山門外虎山之東北唐土

城門也通鱸口又雙江門亦唐時土城門名府縣舊志俱不詳其

在所

杏花邨在府城秀山門外里許有古井闌刻黃公清泉
四字明天啓間顧太守元鏡作杏花亭于其地 本朝
邑人郎遂有杏花邨志

○ 唐杜牧清明

清明時節雨紛紛路上行人欲斷魂借問酒家何處
有牧童遙指杏花邨

○ 宋曹天祐杏花邨

久有看春約今才出郭行杏花飛作雨煙笛遠聞聲
舊跡尋何處東風煖忽生酒壚仍得醉倚待月華明

明陶安秋浦西郊

天風招我遊池陽飛步郭西十仞岡笑把九華顏色
好怪來衣似綠苔香

○ 沈昌杏花邨

杏花枝上著春屋十里煙邨一色紅欲問當年沽酒
處竹籬西去小橋東

○ 顧元鏡杏花邨

牧童遙指處杜老舊題詩紅杏添新色黃壚憶昔時
遠山曾作畫好鳥解吹簾偷得餘閒在官錢換酒卮

劉城杏花邨

小杜剌州後風流不再來清淺平湖三尺水橫側睨

衣十丈萊黃公酒壚不可識稍添紅樹傷亭臺人說
杏花邨裏去演武場門相對開

林古度杏花邨

郡樓高出秀山門古跡今時不可論杜牧當年有名
句獨留城外杏花邨

李盤尋杏花邨

花邨舊圃隔殘霞攜取青蚨問酒家豈有香泉能醉
客空餘落日照蒹葭

釋祖燦杏花邨

驛路蕭蕭野水平酒尊空負杏花名當年車馬猶虛

跡惟有清風牧笛聲

○本朝周體觀杏花邨

池州城外杏花邨細路平林對郭門爲許邨帘招杜
守獨留隴笛憶王孫江融彭蠡春帆影山疊清明夜
雨痕累代蕭條聊駐馬依然風物動高原

郜煥元清溪阻雨憶杏花邨

昨夜星垂屋今朝雨滿溪杏花邨何處問隔在秀山西

王撰題杏花邨

江邨爛熳杏花天勝地芳名自昔傳曾是牧童遙指
處酒家可有似當年

盛時亭館醉春風
往蹟消沈煙雨中
此日重興佳話
在流傳歌咏徧江東

文杏初開景色新
不隨桃李共爭春
成林非獨供遊
賞勝事真堪續古人

石城春色正無涯
野店茆簷處處花
不是栽培勤著
力郊原那得盡紅霞

陳元鍾九日杏花邨吟

獨坐不得意出門隨所遇
言至杏花邨不見杏花樹
千年事已非風日愜幽趣
川原曠煙水草木秋山暮
忽憶淵明詩兼諷牧之句
杏花與菊花寂豔豈同

陶杜不可作感時因並慕

楊森杏花邨

千載詩人地無花亦此邨
茂林還酒店芳草自柴門
飲有提壺勸耕惟布穀
喧亭臺如可復不異牧之存
尤侗杏花邨

太守行春日山邨滿杏花
題詩猶在壁沽酒向誰家
地近芙蓉嶺人遊楊柳衙
蓬萊移種至好散一林霞
方外賢司馬謂周競菴驢西山拄笏看採風
尋壑老種樹

問園官白浦舟能渡黃壚
酒未殘花亭如可築遲我
倚欄杆

鄧漢儀春遊杏花邨

雨晴正值看花時邨裏曾無花一枝日暮秀山門外
望牧童猶唱杜家詩

石徑清泉自轆轤當年佳釀客爭沽而今芳草斜陽
裏不見黃公舊酒壚

老樹雙鳩絕可聽菜花遮斷杏花亭難堪細雨荒山
路一箇殘僧誦梵經

小杜詩名播酒家至今寒食鬪繁華武昌百萬旌旗
下誰向東風護杏花

自注杏花為左師芟刈

○ 吳綺遊杏花邨以雨不果

亦有樊川興尋春老漸疎偶同聽雨燭竟阻看花輿
山水逢佳士煙霞憶舊廬莫吟魂斷句霽色晚來舒

○ 曹貞吉杏花邨

江上逢寒食青帘一帶懸杏花微雨路惆悵杜樊川
○ 宗觀杏花邨酒家

錦駝鳥隔小橋鳴橋上青驄傍水行遙認杏花邨外
路夕陽霞襯不分明

秋浦所產鳥見李白秋浦歌

紅雨輕陰濺客衣黃公壚畔是邪非江邨蛺蝶如相
識蕩漾青帘竹上飛

不見題詩杜牧之春風來去幾多時杖頭錢盡應賒

酒莫待花飛聽子規
杏熟稍須風雨頻年光虛度可憐春
笛聲吹醒青山
夢落拓江南有幾人

吳非杏花邨懷古

刺史行春在古邨誰懸帘影復當門
酒壚已冷經牛
父花徑全敬讓竹孫風景都移山
著色湖光一變水
餘痕牧童重理當年話亂後空留羈在原

張總題杏花邨圖

遙映齊山邊杏花邨尚在風流杜牧之
雅詠傳當代
○許汝霖杏花邨

石城風景催寒食秋浦邨南杏花坼
萬樹霞明鬪綺
叢千林紫霧迷香國澄湖淼淼枕層巖
螺髻周遭壓
鏡奩仙客種餘春爛熳玉鞭游處雨廉纖
當時刺史
誇吟筆羸得山霧紀陳蹟一道湖莊盡酒家
至今亂
颺青帘出繁弱初開角藝場花邊按部記
徜徉間隨
芳草尋樵豎此景十年非渺茫桃源流水津
亭香菊
蕊含霜落英早何似深邨絳雪飛濛濛
十里東風曉
樂事應憐得句遲年年春在賣花時誰將
千古風流
調獨寫詩篇繼牧之

○沈一揆遊杏花邨

竟把名區付草萊
白楊老盡菜花開
數家茆屋春風裏
不見分司御史來

射堂小草亂蓬鬢
坐看齊山石幾層
縱使黃公壚尚在
擎杯無力盡三升

無復樊川舊酒徒
高林白日走鼪鼯
山前一片青青草
傳說當年是杜湖

抱郭平岡半墓田
道旁還說杜樊川
當時誰是知兵者
一守池陽便數年

萬頃平湖露淺沙
蕭蕭短草受風斜
青帘昔日飄何處
片石摧殘雜野花

山川奇處儘勾留
夢覺揚州十二樓
想見殿中丰骨峻
莫言才子只風流

西湖一曲草芊芊
花落花開不記年
爲問行春人去後
幾回鐵佛臥荒煙

蕭梁遺跡總銷亡
只剩昭明舊講堂
不信萬年千載後
霸圖王業遜文章

唐孫華杏花邨

勝地傳秋浦山水
故清嘉復有幽絕處
溝港足桑麻
陽春二月時
繞屋杏始花
臨溪飄絳雪
連巷蒸紅霞
蒲柳映綺錯
籬落紛交加
雞犬自聞靜
草木爭妍華

似遊北郭寺適逢董奉家隔花見茆屋風颭酒帘斜
曹曰瑛雨中過杏邨

冒雨山行漸近城酒旗依舊樹梢橫杏花未解憐歸
客秋日邨邊不肯生

清涼境在府城秀山門外西湘橋茶田嶺之間有秋浦
亭遺址

宋陳舜俞秋浦亭

牢落真秋浦江山滯客舟身同鴈南去心似水東流
鷗鳥荒煙裏漁人古渡頭只因山色好來上九華樓

鉢頂山一名笠山在府城西半里其麓有唐乾明寺亦

曰西禪院宋改光孝寺有鐵佛高二丈餘紹興二十一

年十一月日鑄故又稱鐵佛禪院今仍稱乾明寺

蜀記曰寺有西峯聖者所留鐵笛聖者生當吳武王楊
行密時陽狂不羈好吹笛能役鬼神蛟龍常寓池州乾
明寺乾明即光孝也及去留笛付主事僧為好事者所奪
非色綠而瑩潤如綠玉不知何物僧懼為好事者所奪
郡官求觀之輒出一凡鐵笛充數予偶與監寺僧有舊
獨得一見有石刻沈叡達所作西峯銘文辭古雅可愛
恨非其自書也

○唐伍喬遊郭西禪院

遠岫當軒列翠光高僧一衲萬緣忘碧松影裏地長
潤白藕花中水亦香雲自雨前生淨石鶴于鍾後宿
塵廊遊人戀此吟終日盛暑樓臺早有涼

○ 宋梅堯臣西禪院竹

古寺帶修岡青葱萬竿玉春梢長舊林夏雨濕新綠
幽禽嘯呼雜晚照陰晴續解帶欲忘歸壺觴歡自足

○ 潘閻夏日宿西禪院

此地絕炎蒸深疑到不能夜涼如有雨院靜若無僧
枕潤連雲石牕明照佛經浮生多賤骨時日恐難勝

○ 楊振乾明寺前古松

北山斷處唐朝寺路隨山轉江城裏獨有門前偃蓋
松百尺陰森倚天翠旁無凡木可等齊曉色浮空照
關市煙雲會合疑有靈勢若盤龍欲飛起十月大野

百物凋霜外精神何巖巖冰風拂拂入高枝壯比秋
濤動天地夜無神鬼溪月明寒影扶疎過鄰里瀟灑
不稱兒女情爛熳春光醉桃李行人勿顧頗孤高日
月栽培應有意造化能生歲寒姿寂寞豈同花草死
固知人物各有施未必無時皆棄置大厦如求棟樑
材願作明堂報天子

元貢奎鐵佛寺

鐵佛鑄成真大錯崖碑讀盡一空名茫茫大夢誰先
覺跌坐無言聽竹聲

明周廷鑑鐵佛寺

鐵佛何年寺遙傳宋紹興神工勞大冶心印問南能
巧鑄終成錯孰空未了僧杏邨無酒肆隨處現金繩
方叔邵池州西郊留題鐵佛寺

春王便覺杏宜寒出郭連蹊雨未闌北道清平從賊
擾南天戎狄向碑看身同佛子參頑鐵選逮蕭儲儼
帝冠石滑酒酣頽踏去狗朝鷄結走江干

○ 本朝陳姓遊杏花邨過鐵佛寺

石橋剛轉信幽奇滿徑寒雲兩袖披茅屋淡香薰酒
氣林牆紅影露花枝帘隨煙捲分邨路鳥帶嵐飛入
客卮遙指松陰藏古寺忙投及雨未來時

○ 鄧漢儀乾明寺

尋花無意緒撥草有攀躋松栝穿雲立江山抱寺低
佛纜支劫火僧久厭征鼙鐵笛今何在黃鸝春白啼
方膏茂鐵佛寺

老僧憐我寂邀履闢禪筍煮花前水茶烹屋裏山
語深兼世內心靜出人間已識浮生誤聊偷半日間
宗觀小集乾明寺

竹裏青帘帶淺沙樊川興廢野人家杏花零落邨名
在不比江山玉樹花

老僧送客出關門慷慨能將往事言一自寧南兵掠

過至今煙火不成邨

周南乾明寺訪鄉僧白汗

古寺背西郭爭傳鐵佛名規模仍闊大戒律自分明
老衲留鄉語遊人見道情錫飛齊羽鶴夜半有鍾聲
茶瓜參半席坐破幾蒲團靜向此中息禪從何處安
鬚眉應是假冰雪未為寒回首白雲寺長江一線看

杜塢在府城西四里有耀龍諸山

名勝志貴池杜塢以杜牧之名或曰杜荀

鶴別業也其下杜湖

○明孫仁杜塢

水遶山環石鐙斜夕陽明處景偏嘉翎光刷雪投林

青影浮金入樹鴉日去遠鍾來野寺風吹寒笛出
樵家一從小杜行驂後草木長含幾倍華

○劉岐杜塢

未過樊川客今來杜塢中草平崖泛碧花煖水浮紅
乳燕嬌開尾生魚小半籠河山風不異舟楫恨難通

○本朝華黃杜塢懷古

城西五里杏花邨邨外青山竹木勻煙火數家皆網
戶濃陰一徑到僧門酒壚時挽遊人騎風景還隨刺
史轅祇樹清涼幾聲磬揚州好夢不重溫

黃龍山在府城北五里瀕江有磯有唐貴池亭今廢

按宋

周必大曰出北門二里登貴池亭俗呼望江亭
以見大江可望淮南也與志所載里數稍異

○唐杜牧貴池亭

倚雲軒檻夏疑秋下視西江一帶流鳥簇晴沙殘照
墮風回極浦片帆收驚濤隱隱遙天際遠樹微微古
岸頭祇此登攀心便足何須箇箇到瀛洲

勢比凌歊宋武臺分明百里遠帆開蜀江雪浪西江
滿強半春寒去却來

鎮山在池口有梁昭明太子釣臺又有崇教寺明廢爲
倉崇禎末楚帥左良玉兵屯此燬

○宋柳宏鎮山崇教寺

山宜長望招提在翠微斷雲當檻起孤鷺背人飛
潮落平沙露風高釣客歸是誰知此境終日好忘機

○再遊崇教院

九華山色翠連天楊葉舟邊晚泊船賓館別來方六
載曲臺知己幸三遷江亭會飲人何在僧壁題詩字
儼然今日經遊重回首略思前事涕漣漣

徐璿崇教院

巖僧結棟何勤勤殿閣岩崑勢欲奔秋洗江光浮紺
瓦山盤樹影入青軒相逢未免同塵眼何日安禪慰
病魂欲借上方留一枕夢隨寒磬過天門

珠兒山一名石洲在齊山湖西南水中舊傳宋趙文節公遊憩處

碎石嶺在府城南十里有宋趙文節公暨夫人雍氏合葬墓

新城山在城南十里有宋永明寺

明李宗泗永明寺

一片壺天小更奇好山渾似鳳來儀月涼荷葉鷗聲細雲冷松枝鶴夢遲洗鉢僧搖潭影瘦采芝人去夕陽隨頻來借得些兒景數點梅花幾字詩

本朝劉廷鑾永明寺

一逕窺林入殘僧都不知晴煙迴箐嶺正是午鍾時石壁山在城東南十里唐時有寺今廢

○唐杜荀鶴石壁寺

石壁早聞僧說好今來偏與我相宜有山有水堪吟處無雨無風見影時漁父晚船分浦釣牧童寒笛倚牛吹畫人畫得從他畫畫得應輸八句詩

白沙嶺在城東十里有舖

江通山在城東十五里山上有泉可通江水故名

太婆山

南畿志作太朴山

在府城南二十里高百餘仞盤亘三

十餘里山半有西峯禪堂堂下龍池禱雨輒應

宋周必大謂太

婆山極高而其名不與圖志亦不及之又有詩曰太婆
嶺獨高秋浦又戴昂立春前五日得雪詩有太婆頭欲
白九子頂先華之句俱指此山也
縣志稱其內聯六峯外托九子

本朝戴移孝望太婆山

百注黃石齋先生有辭
十八翁詩齊山乃其一

層嶂高橫入碧空分明一幅古王濛生綃滴雨稜稜
上渴筆封苔點點中峯列兒孫尊不讓嵐垂鬢髻曉
偏工間看九子蓮花老不信齊山也號翁

檀婆山在府城西南二十里郡脈所自來也天將雨必
雲翳其半

本朝劉廷鑾檀婆山

山外時常夢裏過暑遊今得犯煙蘿庭荒

誦劫中

佛客到禽喧土姓婆亂渚灣通秋浦曲浮圖影瞰皖
江渦叢深翠篠還留一回眺舟前積水多

萬羅山在城南二十里與江祖石隔溪對峙上有邏人
石李白秋浦歌所謂邏人橫鳥道江祖出魚梁是也

明鄭三俊萬羅山

爲問江祖山清溪一派通倒影拂潭水山色在其中
錦苔封棘滿綠字久朦朧萬羅山有待壁峙宛相從
松盤擎露頂筍接拄天峯傑殿插雲起浮鳧遠架空
登危盼九子憑虛聽感鍾山河渾不異弔古思何窮
黃尊素同虞九階胡助之周王汝遊萬羅山

出郭尋舟曲曲移沿蘿幽迴不勝窺空懸列石飛崖
絕共奏諸山集水湄大略閒情成勝往偏於冷處得
遊奇天門江祖遺蹤在好拂荆榛手勒詩

胡永順同黃季真虞九階周玉汝遊萬羅山

盪槩當湖去湖窮溪水多山回經百轉地窈入三摩
異草魚鱗繡殘詩鳥跡訛此行何所似秦洞偶來過

劉城游萬羅山歌

我來茲山讀舊碑亦云萬羅之名義莫知或言遠近
諸峯繞有似兒孫拱立羅階墀天公化物不一狀安
得處處五岳與須彌一重一掩小結搆聊當拳石置

盆池入門人從山罅度疊石鬼或爲累基孤松罩日
成偃蓋亦有蚪枝倒兔絲清溪幾曲如碧色錦字千
年猶畫姿空王玄帝同窟宅丹經梵夾總塵鷲樵人
偷摘楊梅果邨婦麤供香燭資別有顏楹長施菜低
回畏壘我生悲當年擬近東阿譽今日真堪召伯思
偶乘野興逃初夏便集心知話亂時萬感紛紜來耳
目幾宵雲物見推移覽罷鄭公題壁句長吟李白釣

壘詩皆山中
所有

陳以運登萬羅山

石磴通幽壑林巒望裏分天門臨絕巘金闕俯層雲

澗曲煙常鎖山深日易曛
脩然塵俗遠醉臥鹿同羣
江祖石與萬羅山相對
唐李白嘗遊處有釣臺有諸詩
石刻及宋政和中李元量諸人題名其下江祖潭

唐李白獨酌青溪江祖潭上寄權昭夷

我攜一尊酒獨

自從天地開更長幾千尺

舉杯向天笑天迴日西照
永賴坐此石長垂嚴陵釣

寄謝山中人可與爾同調

又秋浦歌有江祖一片石一首別見

宋戴昺壬子立夏日同郡博士黃次夔遊江祖太

白釣臺

翰林天酒星謫墮人間世
豪風渺乾坤浪跡寄湖海

峩峩江祖石片石峙西澨
醉狂御風來踞坐高傲睨
一絲聊戲垂意得在魚外
青天畫屏句妙越無塵界
至今五百年春虹絢晴彩
我來訪遺蹤躡屐捫薜荔
錦苔剥冰霜髣髴題字在
屬時春夏交微雨弄輕霽
同遊俱嘉朋笑語洽傾蓋
雲木團畫陰松風奏天籟
勝踐心已愜酣歌意彌快
欲招臺上魂舉爵酌清泚
今昔自殊時欣感諒一契
詩成寫蒼壁存否非所計
長嘯下歸舟驚湍送飛棹

明余翹江祖石上讀太白詩

臨流洗綠苔摩崖寫黃絹
何人可與語江祖石一片

苦竹嶺在城南二十里有唐李白祠今廢宋周必大錄

院謁太白祠堂廢碑存壁間按苦竹嶺與江祖石近祠堂即指此其畝有宋雲光寺

○唐李白山鷓鴣詞

苦竹嶺頭秋月輝苦竹南枝鷓鴣飛
嫁得燕山胡鴈墻欲銜我向鴈門歸
山雞翟雉來相勸南禽多被北禽欺
紫塞嚴霜如劒戟蒼梧欲巢難背違
我心誓死不能去哀鳴驚叫淚沾衣

宋周必大白白沙入小路數里遊雲光寺寺亦華

煥登明六山圖屏欲少留而提舉常平李察院

客將至留一小詩戲之

來如負弩迎去為乘驄避江祖一片石留伴幽人醉

作者正七人賓主七人飲中空八仙長齋詎容醉晉也合

逃禪

孝娥山在城東北二十餘里瀕江有孝娥廟

六峯在城南二十餘里自郡治望之如列屏然又雙峯

高出其外愈覺深秀

龜峯山在城西二十五里後湖之濱有宋寶安寺元元

統乙亥鑄爐尚存

白筍山在城西南二十五里唐處士鞏疇棲隱處有祠

其下白筍陂

○唐李白遊秋浦白筇陂二首

何處夜行好月明白筇陂山光搖積雪猿影挂寒枝
但恐佳景晚小令歸棹移人來有清興及此有相思
白筇夜長嘯爽然溪谷寒魚龍動陂水處處生波瀾
天借一明月飛來碧雲端故鄉不可見腸斷正西看

明陳昂暮遊秋浦白筇陂

海月如明鏡飛來白筇陂水分鱗介影竹蘸鳳凰枝
雪刺山陰夜雲騰天漢時峯巒吾自選相對坐題詩

大山在城西三十里亦濱後湖

大雄山在城西南三十里山半有宋感鍾寺故又名感

鍾山相傳宋雍熙中有鍾飛至山巔遂建此寺元正順
申鑄爐尚存

明丁紹軾宿感鍾寺

爲訪徐卿來相攜感鍾寺乘興了夙懷古路入天際
雲在兩袖間頽瞰人影細疑是別洞天乃見福地
一徑杳迴合千峯列蒼翠悠然虎豹蹲歷歷泉聲沸
新筍萬玉叢蘭芽香滿砌更有三五朋班荆問經義
老僧半日忙吾儕百年會曉來風雨留又向新齋憩
再作伊蒲供不盡惠遠意安得長此山解脫人間累
紫巖在城西南三十里有紫泉有舖有紫巖大王廟宋周

必大錄戊辰早發池陽飯十八里店又十二里

過紫巖居稍眾即產紙之地有紫巖大王廟

滄鹿山縣志在城東南三十里相傳高僧盧公面壁于

此有鹿為之運水水滄鹿足故名

黃老山在城東南三十五里唐康駢隱居處

駢著劇談云乾寧二年建巳月

池州黃老山白社序

大樓山在府城南四十里其高峯二一名柏峯有悟真

寺直府治西南一在峽川口直府治正南明邑人劉城

有遊大樓山記按唐李白秋浦歌云行上東大樓即指

此蓋自秋浦言則大樓在其東而舊志以今之東城樓當之曹學佺名勝志遂承其說謬矣李

明劉城大樓山歌

大樓之名必有以圖經志牒都無紀何人誤讀太白

詩東指麗譙說遺址我聞神仙好樓居十二之樓黃

帝起漢皇遂作通天臺蜚廉桂觀排空峙并榦高騫

五十丈欲寫蓬萊建章裏方士荒唐固可嗤文人妄

聽聊憑耳君不見茲山拔地起千尋兩峯去天不盈

咫尺山下經過面面殊峯頭直望層層齒城郭炊煙到

眼多江流帆影看間駛疑將插漢敞交流何異千霄

翔結綺平通雲鳥入罌思參差巖洞成階祀因逢好

事命佳名大樓標目差堪擬孫卿如受申公書蔡經
或聽方平使定可茲山信宿留不比漢宮髣髴似愛
說大樓山者誰云是謫仙人姓李

古仙山在大樓山之東有洞相傳爲神仙窟宅云

明劉城古仙洞歌

世盡妄爾豈有仙此語名通亦未然琅函姓字幾百
輩不止王喬與偓佺我知真人栖遯遠豈肯黃屋相
流連祖龍茂陵徒想望阿房五柞杵纏綿有仙餐芝
復辟穀丹爐應置窮崖麓頑山拙石未堪留知在玲
瓏窈窕谷蕭然此洞隱荒邨中空四壁如夏屋蜿蜒

門徑已嬋娟狡獪形容尤凜肅斲則疑經鬼斧成靈
竒定有神人宿此間白石可煮烹此間羣羊可畜牧
對奕能令樵者觀縱博何須橘內蹴縣崖儘足繫青
牛側石尤堪放白鹿餘杭老姥油囊酒何妨共坐飲
百斛我爲此語非誕迂要見古洞幽且都齊山華蓋
及左史譎詭恢奇皆奧區彼以負郭成名早上眞棄
名如棄汙固知此洞仙來居

缺巴山一名窟岵山在大樓山側

鬪龍山在城東四十里

渚湖山在城東南四十里

覺源山在城東南四十五里山半有湧泉亭

梅山在城西南五十里

靈田金雞石在城西五十里有舖舊志埤雅曰江南陳氏莊前一石月下忽

作雞聲池人遂傳靈田陳氏嘗得金雞于石中故今舖以金雞名

官山在峽川西十里有洞土人稱官山巖

南山在峽川南有洞與牛避洞相鄰

本朝戴移孝南山洞歌

南山錯錯戴危石深洞下藏宵莫測千年何人採藥
來沙壅洞口高欲塞碧落道者白衣生炳炬一
搜索偃僂背巖攀斲絕裂罅嵌身踏鋒鏑蕭瑟

風雨聲陰泉暗流雜乳液綠泉一關復一關入即不
出顧可惜形狀奇詭難具陳雲蒸石骨含欲滴潛蟄
睥睨蛟龍宮挪揄左右鬼神摘深奧可貯藏經龕謹
捷如封合丹宅泉通罅窳未窺原炬盡欲行行不得
君不見見四十六天大小兼古仙所治備典籍游覽何
異塵壤居文字反為造化賊似此山遂乃足佳桃源
那許多人識我雖來此不浪傳留與高真共棲息

石墨山在城東六十里舊有驛元文宗至順間南幸江
寧駐蹕于此今廢為舖

○元薩都刺石墨驛

雲根老墨吐玄霧月窟秋豪閣翠峯半夜銀河傾硯
水碧天寫出九芙蓉

平地東風草木嬌也因曾識赭黃袍九華雲氣隨龍
輦萬壑泉聲奏鳳韶丞相高懸犀角帶將軍斜插鴈
翎刀漢江一日飛龍馬天上銀河跨白橋

照溪山在城東南六十里梅邨有元崇教寺

水車嶺在城西南六十里唐李白所謂秋浦千重嶺水
車嶺最奇者也載秋浦歌

宋郭祥正水車嶺

萬丈水車嶺還如九疊屏北風來不斷六月亦生冰

燈巖在城西南六十里巖石如懸燈相傳宋岳鄂王
飛勒軍過此惡其以金名鑿去之今止存其半邑人劉
廷鑾有記

白面山在城西南六十里山石如傅粉有渡見宋周元

萬戶王建中屯此元至正十二年卜顏鐵木兒復池州

屯白面渡間見討無為州而自率鎮撫不
花萬戶明安駐池口以遇上流為之節度

宋蔣之奇白面山

白面峯巒碧玉堆故人卜築在巖隈難尋荀鶴舊遊
宅尚有昭明古釣臺滿檻名花紅勝錦一溪流水綠
如苔七閩千里倦行客兩眼眇昏向此開

華岳白面渡

自注在池陽之西五十里邨人皆不曉白面之義因詳其事

繫船白面問溪翁名不虛傳說未通祇恐當年溪上

女浣紗時節嫩勻紅

和龍山在城西南六十里有唐靈慶院為妙空守訥禪

師道場宋改為嘉祐寺有宋景定壬戌碑載南唐池州

刺史王繼勛邑尉王暉及陳常儀三詩皆贈妙空者

船峯在城東南六十里一石如船狀故名

香山在城東六十里

鐵券山在城東六十里相傳黃巢降唐受鐵券于此故

名宋馬必大錄至鐵券山投宿葉蒼秀才家中葉蒼有子楠登進士第又過鐵券與葉元質別云

虎林城故址在城西六十五里吳孫權以居其子琅邪

王休舊有玄妙觀今廢詳疆域

綱目實實虎林城在池州城東二十五里

統志郡新舊志虎林城在石城東十五里廣輿記亦云並誤

元貢奎虎林城玄妙觀

琳宮古崔嵬獨據山勝絕天光垂帝座照耀金碧色

修廊接層崖俯目視深澤陰陰木葉暗石削蒼壁列

流泉出壑空六月灑飛雪平生功名謀洗我肝腸熱

同遊得幽人再拜摩斷碣興亡見唐漢高爽了吳越

更擬窮幽探馳景忽西滅

柏巖山在城東南七十里多柏

元張士元柏巖寺和曹清叔院長

飛塵知不到偶與問名山地接桃花塢僧間柏影間
碑銘人憶舊鍾磬月澄灣坐愛圍爐燼窓猿出岫攀
三十六山在城南七十里蜿蜒入峽川爲曹山連亘爲
西山下爲下西山腹爲獅山其上爲球山下爲隱莊山
其左大樓山之隙爲齋羅山有洞邑人吳非名之曰小樓山洞有記入
爲象鼻山又入爲鳳山其趾爲松寮山有妙勝寺

明劉城上曹山

曹山時在目今日果此願山跟已谿訶泉路見奔噴
曉霧散旭初遙岑來足健牝犢諳躋攀僮奴屢登頓
去地能幾尋羣翠已來獻人生不游覽禪蟲豕在圈
回首俯平時疇遠綠如絲蔓

下曹山

秋豪一徑上頂腹乃中達敞豁聚邨族方廣開阡畦
筍輿泠然善私訝非所期坡陀始欲下峻急滑如脂
崩沙不留趾頽崖無攀枝躊躇待步踵顛躓比流澌
劣得至山脚矜人回首嗤

松寮山寺

一路得佳石登躋未覺疲山坳始有寺松盡更無枝
鉢飯能分客珠瓔苦臥鴟塵襟聊自滌踏步亦奚爲

城子山在城西七十里即漢石城故縣址詳疆域
郎山在城西南七十里
有昭明釣臺地理志云貴長池
出其下

明孫仁昭明釣臺

梁苑多年禾黍生儲君猶有釣臺名鼎湖龍去驂何
在盤石苔深迹未平日落空林巢宿鷺煙橫煖浪躍
潛鯨浴堤種得如絲柳猶訝長綸拂水輕

姥山在城西南七十里

南畿志作姥山江防考武備志作母山在舞鸞鄉為羣山之

之母 有宋陶亮砦址

宋書鄧琬傳陶亮先于姥山及諸岡分立營砦為前

率軍主郭季之及輔國將軍步兵校尉杜幼文寧朔軍屯騎校尉桓恭祖龍驤將軍朱輔之負外散騎侍郎

高遵世馬軍主龍驤將軍頓生段佛榮等三萬人奮擊破之斬獲一追奔至姥山而反又沈攸之傳大破于赭圻城又故有太姥廟舊傳孫權出師嘗獵至姥山即此所得曰上得一豹姥曰何不樹豹尾言訖忽不見故立太姥廟東坡又以為在樊口云詳邑人吳非宋姥山砦記

唐羅隱姥山

臨塘古廟一神仙繡幌花容色儼然為逐朝雲來此地因隨暮雨不歸天眷分初月湖中鑑香散餘風竹上煙借問邑人沉水事已經秦漢幾千年

按此詩又載入廬州

府志

明吳非宋姥山砦記

山瀕江之南遙當皖口東北為貴池上游劉宋時張興世與鄧琬用兵于貴口梅根間為必爭之地沈攸之率郭季之及杜幼文桓恭祖朱輔之高遵世頓生段佛榮等三萬人擊破孫沖之追奔至姥山而反沖之者劉子勛參軍與陶亮並統前軍者也亮呼沖之還留薛常寶代之先于姥山諸岡分立營砦姥山亦險要矣舊傳孫權出師嘗獵于一山下依夕見一姥問權獵何所得曰正得一豹姥曰何不樹豹尾忽然不見故有太姥廟或曰指此或曰東坡以為樊口云名勝志及貴池志載羅隱姥山詩有借問邑人沈水

事已經秦漢幾千年之句是則秦時已有廟矣沈水事今不可考此詩亦載入廬州府志則又附會耳

烏石山在城西南七十里與姥山相對有唐廣德初宣

饒劇賊方清陳莊砦

唐書秋浦有烏石山廣德初盜陳莊方清所據按莊連陷江西州縣

清陷歙州破石埭永泰元年復立池州以李范為刺史乃討平之

詳吳非唐烏石山砦

記按唐書稱秋浦烏石山有銀有銅

明吳非唐烏石山砦記

唐自景雲改元立方鎮其去高祖有天下之初已九
十三年矣至乾元元年置洪吉都防禦團練觀察處
置使治洪州置宣歙饒觀察使治宣州明年廢以江

東都團練使治蘇州者兼領三州是時置池州而廢者一百三十一年秋浦屬宣州以方鎮固統于洪吉也從秋浦分道出東北至宣州五百里而遙也西南至洪州幾千里而遠也地勢遙絕雖鞭之長不及馬腹一縣之力何足以支則以秋浦之烏石山上連姥山爲屏下接寒山爲障據巢出沒可以劫商旅絕大江夫惡得不爲方清陳莊所據乎清莊自廣德初據有烏石凡四年而始平以莊之連陷江西州縣清之陷歙州破石埭宣饒相界應岌岌其逼近秋浦爲腹心患可知也李勉除江西觀察使然判官李芄之請

服陵及祠明陳仁錫有貴池縣復昭明塋記

宋陸游入蜀記曰秀

山有梁昭明太子之墓拱木森然

稽山在城西南八十里宋章禪師道場

石門山在城南九十里其上有青尖唐高霽隱居之地春臺巖高霽所築桃花塢李白與高霽同遊處也存石刻大小十六字

○唐李白憶秋浦桃花舊遊時竄夜郎

桃花春水生白石今出沒搖蕩女蘿枝半搖青天月不知舊行徑初拳幾枝蔽三載夜郎還於茲鍊金骨元曹天祐飲桃花舊遊處

李白舊游處相傳在此間桃花無數塢春水幾千灣
已覺生時遠依然人世間我攜一尊酒今古解愁顏

明蔣寬石門

翠壁雙開一徑斜每于秋曉景尤嘉
杯楓綴錦酣霜乳巖菊舒金帶露華
鶴夢頻驚行客語蛩聲遠雜戍樓
笳吟邊自是清如許幾樹香風落桂
花

○李宗泗石門道中

百轉羊腸度石門白雲浮動小溪
渾青山亂點東西岸黃葉孤飛遠
近邨洗藥人分秋水淨施茶僧就夕
陽暄何須問酒東林社明月清風當
一樽

代聞于朝復置池州即以芄領州事益以青陽至德
石埭而秋浦縣乃得倚州為恃尋復置宣歙池等州
都團練守捉觀察處置使清莊賊黨立見其撲滅矣
雖然王凝之為宣歙池觀察使也王仙芝之黨屠至
德凝遣孟琢助池守遣樊儔扼青陽而池州卒陷于
黃巢楊行密亦為宣歙池觀察使而據以稱吳池固
重鎮哉嗟乎歐陽公之言曰收功弭亂雖常倚鎮兵
其亡也卒以此不其然歟故吾記烏石山砦而于唐
之方鎮致慨焉唐書稱是山有銀有銅據歷代史蓋
江南諸地皆有之

南泉山在城西南七十里有泉唐貞元十一年普願禪師創寺山之陽太和元年賜額南泉承恩寺有宋查革碑已斷普願禪師塔尚存

明宋邦輔南泉寺

青山白雪木扶疎
花落花開鳥趁墟
千古夜臺埋舍利
一場春夢托浮屠
譚經不見龍來後
卓錫應知鶴避初
路上若逢仙去客
翩翩隻履自歸與

七井山在城南八十里與石埭分界山最高峻上有七坎其麓盤迴數十里形家言九華山啓跡于此

秀山在城西南八十里貴池在其下有梁昭明太子冕

小黃山在城南九十里高一百餘丈唐李白有贈黃山

胡公詩按舊志貴池有兩黃山無小字而吳非九華發源黃山辨曰九華之西南支出為小黃山九十里至郡城

特從之

○唐李白贈黃山胡公求白鷗聞黃山胡公有雙白鷗蓋自家雞所伏自

小別狎了無驚猜以其名呼之皆就掌取食然此鳥耿介尤難畜之余平生酷好竟莫能致而胡公輒贈予我惟求一詩聞之欣然適會宿意因接筆三叫文不加點以贈之

請以雙白璧買君雙白鷗
白如錦白雪恥容顏

照影玉潭裏刷毛琪樹間
夜棲寒月靜一步落花間

我願得此鳥玩之坐碧山
胡公能輟贈籠寄野人還

盧子庫山在城南九十里有伏龍巖神龍所家也

穿山在城西南九十里有洞相傳宋建隆中有犬登木
化龍穿山而去宋多福寺在洞口

宋滕宗諒穿山

洞戶千年叫不開白雲無主自徘徊只因種玉人歸
後一閉春風待我來

梅堯臣和滕公遊穿山洞

洞口水石淺潺潺瀉綠蒲緣原進巖竇陰黑人境殊
中言有物怪蟠蟄春未蘇霖雨雖有意風雷莫有扶
風雷自鼓盪不久當何如幸欣禪林近鍾梵來有無
回策歷幽徑衣香草露濡老僧長嵩下麋鹿舉之俱

溪雲時見起山鳥自相呼羨爾得茲樂何用勞形軀
石橋山在城西九十里西峯之東兩峯對峙一石跨之
廣數丈袤十數丈宛然天台之石梁也梁下奔泉泐石
入穿山洞而出

西峯山在城南九十里其北巖石臺上有巨人跡世傳
西峯聖者挂錫處有祠有迎仙閣巖南為西峯洞上有
龍池從石壁瀉水伏流地中至劉邨口小澗噴薄而起
灌田甚多

牛頭山在城西南九十里瀕江出鱖魚

楊梅坦在城西九十里嶺上多樹楊梅唐有楊梅館宋

有楊梅驛今廢

唐白居易楊梅館

十一月中長至夜三千里外遠行人若為獨宿楊梅館冷枕單牀一病身

筆尖山在城西九十五里

祖山在筆尖山旁夏有霧則雨

石龍山在城西

 里有半山洞

白雲山在城西南一百里有洞有唐白雲寺遺址

明李宗泗白雲山

仙源借得泛仙槎竹外梅邊小經斜峭壁倒懸千丈

樹香泉流出四時花敲棋聲散秋天鶴吹笛涼分夜

雨蛙扶醉夕陽隨浪笑箇中風月為詩家

魯祖山在城西南一百二十里為魯祖教禪師道場

金山在城西南一百二十里有洞

城山在城西南一百四十里山勢環匝如城有元末羅

友賢砦址

元至正十七年羅友賢據城山砦通吳動杭歙明常遇春以中翼大元帥討斬友賢餘黨

悉平

高明山在城西南一百五十里有洞

魚載山在城西南一百五十里山有懸泉從石壁三級

而下注於潭中山頂一巨石其狀如鯉故名

池州府志卷第八
黃山在城西南一百八十里上有三十六垣與徽州黃山之三十六峯相對峙其最高者曰古牛岡可望匡廬靈山在府城西南二百里其巔有田百畝灌泉不竭古源山在府城西南二百二十里恭川所由出俗稱源頭

吳山在古源山下

池州府志卷第八